

Guangjisi Minzcu Bau

ganhhau: CN45-0036 B.2018 Nd.4 Ng.18 liggaeuq fouhswt nienz ndwensam cosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3320期

Hocouh Si "Sam Nyied Sam Bouxcuengh" Geiz- gan Yawjnaek Senhconz Yungh Saw Vah Minzcu 贺州市“壮族三月三”期间注重民族语文宣传应用

Vih coicaenh doigvangq yungh saw vah minzcu, Hocouh Si Minz-cunghvej, Minzyijvej gaenxmaenx boiqhab daengx si gak mizgven bouhmonz, guhndei hong youq mwh aen hozdung baenzdaug "sam nyied sam Bouxcuengh" angj cietndei Guengjsae" bineix yungh saw vah minzcu.

Aen si neix ciuq Swcigh Minz-yijvej doengjit baijbouh, gyagiengz caeuq senhconz, gyaayuz, vwnzva, dijuz, lijfazvej, gvangjden daengj aen danhvei cawjbanh, cujyau ciepbanh, bangbanh baenzdaug hozdung "sam

nyied sam Bouxcuengh" doxdoeng lienzhaeh, cawjdoengh daezhawj saw vah minzcu vwnznoix daegbied dwg fugsach fanhoiz Sawcuengh, gaenx-maenx doxyaeng boqcuengq, venj, nem gij senhconz byauhyij Cuengh Gun song cungj saw swcigh vwnzgen doengjit iugouz haenx, gij hoihbiu, dozbiu, ciengzbeigingj baenzdaug hozdung yungh Cuengh Gun song cungj saw, fatcuengq senhconz swlhliu, caux ok gij ndawbiengz heiqaenh angqyangz, huzndei, angqhoh, sonyinx gak gvendaengz bouhmonz youq "sam nyied sam Bouxcuengh" geizgan

haiguh minzsuz vwnzva hozdung caenhliengh yungh gij biujyienj hingzsi vahdoj, vahdeihfueng daengj "vahmbanj" vnzlai gak minzcu dangdieg gyaeh dingq maij yawj, doengsug rox ngaih haenx; bouxcujciz cujcz hozdung (cezmuz)、lingjdaug bouhek gangvah daengj caenh-liengh yungh Vahbujdungh caeuq vah minzcu dangdieg, yienh'ok gij daegsaek vwnzva vah minzcu aen si neix, langhbaiz gij saedcej vwnzva vahgangj lai cungj vah huzndei aen si neix.

(Cau Ginhbinh)

SIUSIK DINJ

简讯

● Bineix daeuj, mienh-doic gij atlig ginghei gyod-roengz, Lozyez Yen cawjdoengh wngqdoi, giengzvaq banhfap, vat rengzndumj laisou, daengz ndwen 3 ngoenz 31, aen yienh neix caizcwnj souhaeu guhsat 7400 fanh maenz, doengzbeij gyalai 42.17%, guhsat 28.34% nienzdoh yinvu; ndawde yienh gaep gvaehsuiq souhaeu guhsat 2241 fanh maenz, doengzbeij gyalai 93.36%.

(Cwng Cihcingh)

● Geij bi neix daeuj, Sanhgyangh Duncuz Swciyen baengh gij ndei swhyenz faex-cuk, haenqrengz doihengz gij vunqsik "gunghsw + gihdi + nungzhoh", cungdenj yinxhaeu caeuq gunghanq aen giyez lingxdaez, haenqrengz guhndei diuz lienh canjnieb "canj, gung, gai", daezswng gij gyaqbenxbouj huq faexcuk, daezhawj vnzlai gungzhoj engq lai seizheiq couhnieb, doenggvaq canjnieb daiqdoengh bangrengz nungzhoh vut gungz baenz miz.

(Bang Gwzbingz Gungh Bujangh)

● Ndwen 4 ngoenz 14, ciet lijyouz vwnzva faexhanz Guengjsae • Yaloz youq Hozciz Ginhcwnzgyangh Gih Bauj-bingz Yangh Yaloz Cunh haimuq. Baez ciet lijyouz neix hozdung lai yiengh ndeiawj, cawz aen yizsi caeqcuengq faexhanz, doxdax faexhanz, max doxdik daengj langhbaiz feihyiz vwnzva, lijimiz fwenvuengz doxdax, minzsuz fungcingz, humx dongfeiz ciengqgo, ep bya, faexhanz gunghyibinj daengj minzsuz hozdung dem.

(Cuh Yaujlingz)

● Ndwen 4 ngoenz 12 banhaet, daihsam gaiq Cung-guek—Dunghmungz Minzcu Vwnzva Lundanz youq Guengjsae Cungzcoj Si banh aen haimuqsik. 130 lai boux lauxhangz, bouxhek daj Cungguek, Dunghnanzya guekgya, Audaliya daengj 11 aen guekgya caeuq dieg daeuj haenx camgya lundanz nem haimuqsik, dwg gak gaiq camgya lauxhangz faenbough Dunghmungz guekgya cieq lai ndeu.

(Vuz Yij Yenz Lizcwn)

Cietfwen "Sam Nyied Sam" Sihlinz Yinx Hek Lai



西林“三月三”山歌节 吸引八方宾朋

Ndwen 4 ngoenz 14, Sihlinz Yen Sihbingz Yangh Mudingj Cunh vwnzva hozdung cungsim sing fwen haprwenz, vnz lai vnz daih, Yinznanz, Gveicouh yienh gih youq henzyawj Mudingj Cunh haenx caeuq canghfwen ndawbiengz dangdieg doxcomz giz ndeu, yungh fwen gyau youx, yungh fwen cienz cingz. Aen yienh neix youq neix banh cietfwen Sihbingz "sam nyied sam Bouxcuengh" gaiq daih-seiq, doengzcae angqhoh "sam nyied sam Bouxcuengh" caeuq gyalai gij cingzgeih beksingq gak cuz saenamz sam sengj(gih), coicaenh ndawbiengz minzcu doxgyau conzdungj vwnzva. Ndaw doz dwg cietfwen yienhcieg.

(Vangz Yenginz/黄燕群)

Vanzgyangh Denyingj Hoizguhbenq Vahmauznanz 《Yaengx Fwngz Hwnjdaeu》Ndae Cuengqingi

环江毛南语电影译制片《举起手来》成功首映

Mboengqneix, bouh daihngieh denyingj hoizguhbenq Vahmauznanz 《Yaengx Fwngz Hwnjdaeu》 youq Vanzgyangh Mauznanzcu Swciyen Yananz Cunghyoz banh aen yizsi ingj baez daeuz. Haemhhaenx, daengxcungq lauxsae hagseng Yananz Cunghyoz comz youq cauhcangz aen hagdangz neix, gig mizyinx yawj bouh denyingj hoizguh Vahmauznanz neix. Yawj gij gojgaeq ndeiawj denyingj, dingq gij vah minzcu bonjfaenh sugrox, gyoengq hagseng Mauznanzcu

roxnyinh caenciet.

Vanzgyangh dwg aen Mauznanzcu swciyen daengx guek dandog, vnz Mauznanzcu haemq noix. Riengz dwk Sawgun cienzmienh cienzdoh, vah minzcu Mauznanzcu ngai cungdongj gig hung, seizneix haujai bouxcoz Mauznanzcu gaenq mbouj rox gangj vah minzcu, swnjcienz vah minzcu bungz daengz seizgan hojnanz. Denyingj hoizguhbenq Vahmauznanz cienzmienh cuengqingi, doiq baujhoh caeuq swnjcienz vah Mauznanzcu

caeuq vwnzva Mauznanzcu miz gij cozyung gaenxmaenx.

Ciuq cam rox, hong hoizguh bouh benq neix dwg youz Swcigh Denyingj Gunghsw caeuq Vanzgyangh Minzcunghgiz, Minzyijgiz doengzcae guhsat. Hong hoizguh yingiben daj bigvaq ndwen 3 hainduj, ginggvaq roengzrengz 6 ndwen lai, dauqdaej guhsat hong hoiz boiq denyingj caemhcai ndaej cuengqingi baez daeuz.

(Veiz Yui)